



TIMBALAN KETUA PENDAFTAR (IPTS)
DEPUTY REGISTRAR GENERAL (PRIVATE HEIs)
Jabatan Pendidikan Tinggi
Department Of Higher Education
Kementerian Pendidikan Malaysia
Ministry of Education Malaysia
Aras 9, No.2, Menara 2,
Jalan P5/6, Presint 5
62200 PUTRAJAYA
MALAYSIA

JPT | JABATAN
PENDIDIKAN
TINGGI

Tel: 603-88706401
Faks (Fax): 603-88706842
Portal Rasmi: <http://jpt.moe.gov.my>

Ruj. Kami : JPT/BPP(P)1000-752 Jld. 4 (6)
Tarikh : 23 Disember 2019

Semua Ketua Eksekutif Institusi Pendidikan Tinggi Swasta

SURAT SIARAN PENGENDALIAN KURSUS JANGKA PENDEK OLEH INSTITUSI PENDIDIKAN TINGGI SWASTA (IPTS)

Dengan segala hormatnya perkara di atas dirujuk dan surat siaran mengenai Garis Panduan dan Piawaian Penawaran Kursus Pengajian di IPTS bertarikh 31 Mei 2018 dengan nombor rujukan JPT/BPP(P)1000-750JLD.18(6) adalah berkaitan.

2. Seperti YBhg. Tan Sri/Datuk/Dato'/Dr./Tuan/Puan sedia maklum, melalui Lonjakan 3 Pelan Pembangunan Pendidikan Tinggi 2015 – 2025, Kementerian berhasrat untuk membudayakan amalan pembelajaran sepanjang hayat (PSH). Hasrat ini akan dicapai dan dimungkinkan melalui sistem PSH yang berkualiti tinggi serta terselaras dengan baik. Seiring dengan itu, pengurusan dan tadbir urus kursus pengajian jangka pendek yang dikendalikan oleh IPTS wajar dikemaskinikan. Sehubungan dengan itu, Garis Panduan dan Piawaian Penawaran Kursus Jangka Pendek di IPTS adalah dibatalkan berkuatkuasa 1 Januari 2020 selaras dengan hasrat kementerian untuk membudayakan PSH melalui pembelajaran yang fleksibel.

3. Pada masa yang sama, repositori maklumat mengenai kursus jangka pendek yang dikendalikan oleh IPTS adalah diperlukan selaras dengan Seksyen 33 (c). Sehubungan dengan itu, kerjasama YBhg. Tan Sri/Datuk/Dato'/Dr./Tuan/Puan adalah dimohon untuk mengemaskini maklumat kursus jangka pendek yang dikendalikan oleh institusi di dalam sub modul kursus jangka pendek yang akan dibangunkan di dalam Sistem e-IPTS nanti. Pemakluman mengenai ketersediaan sub modul ini akan dimaklumkan kepada YBhg. Tan Sri/Datuk/Dato'/Dr./Tuan/Puan setelah pembangunan sub modul kursus jangka pendek selesai.

4. Perhatian YBhg. Tan Sri/Datuk/Dato'/Dr./Tuan/Puan berhubung perkara ini didahului dengan ucapan terima kasih.

Sekian.

"BERKHIDMAT UNTUK NEGARA"

Saya yang menjalankan amanah,


(DATO' PROF. IR. DR. MOHD SALEH BIN JAAFAR)
Timbalan Ketua Pendaftar Institusi Pendidikan Tinggi Swasta
Jabatan Pendidikan Tinggi
Kementerian Pendidikan Malaysia